

水雲遊遍乾坤小  
花落花開人易老  
閒來飛過洞庭秋  
鐵笛一聲天澹掃

示人二首

空空洞洞說元辰  
妙理難徵證後文  
春色滿園關不住  
梅花幾點更精神

笑倒巫山一片雲  
晚來十二翠峯青  
半岩嵐氣侵衣袖  
滿徑山花又曉行

示得虛

道在目前何用疑  
仙花有路不躑蹠  
明明說個黃中理  
正是無生一曲奇

道藏輯要

呂帝詩集

三

室集七  
1161

示人三首

天機奧妙卻難云  
不是紅塵不是雲  
竟是梵天燒大火  
奇花異草逐時薰

養氣安神是秘訣  
渴唾精津不用求  
若識無中真造化  
靈泉一滴斷千流

太平景象說元宗  
萬紫千紅一脉通  
古剎寒山誰易到  
蒲團靜底達雲踪

夕話

香烟直透洞中春  
靜守柴扉鶴伴雲  
無事特來閒夕話  
松風明月共知音